



KO TE KAWENATA O Ngati Maniapoto me ona hapu maha.

"Te Kaupapa ko Te Maoritanga
 "Te nohanga "Ko Te Aroha
 "Ko Te Ture
 "Me Te Whakapono
 Te Whare ko Te Nehenehe nui.

Kupu Whakamarama—

- "Te Nehenehe nui—Ko Ngati Maniapoto e tubi ki tenei Kawenata.
 - "Te Aroha o te Maoritanga
 - "Te Ture a te Paromata o Nui Tireni.
 - "Whakapono Mihinare
 - "Maoritanga Kotahitanga. "Kotahi ano."
 - "Ropu Kaumatua—nga Kaumatua e Whakahuina i roto i tenei.
- 1 Ma noho tenei Maoritanga me tenei Kotahitanga i raro i te Maru o te Kingi Nui o Eruera Te Tuawhita.
 - 2 Mo manaaki me tautoko nga kupu me nga tikanga a Mahuta Potatau Tawhiao, e mohiotia nei ko te Kingi Maori.
 - 3 Me whanui te ticiro me te whakaaro a tenei kotahitanga ki nga kupu me nga whakahaere a Te Whiti.
 - 4 Ko te take o Ngati Maniapoto i mahara ai kia mahia tenei Kawenata, he mea hei whakamaharatanga ki tenei whakatipuranga, ahu ake ki nga uri whakatupu i muri nei, mo te whakakotahitanga o tenei iwi, me ona hapu, me te hokinga ki te hapu i te ratou Mana, mo te Maoritanga hei tikanga e kotahi ai nga whakaaro, me te reo, me nga tikanga o te iwi. mo runga i nga whakahaere nunui o te Motu, me te mahara nui kia puritia tonutia te mohiatanga ki te reo, me nga tikanga moori tuturu; kia whakabeke tana mohiotanga ki nga uri i muri ake nei.
 - 5 I te mea ho'i i oti i nga Rangatira, me te iwi i roto i te Hui nui i tu ki Mahoenui i te 25 tae noa ki te 28, o nga ra o Tihema 1903. Kia mahia he Kawenata mo tenei iwi mo Ngati Maniapoto ake.
- Koia ka mahia tenei Kawenata i tenei te tahi o nga ra o Hanuere 1904.

6. Na, ko matou e nga rangatira kaumatua taitamariki, hoki nga tane, nga wahine, me nga tamuriki, o Ngati Maniapoto me ona hapu maha ka tuhi nei i o matou ingoa me a matou tohu, ki tenei Kawenata, me te whakahaere ano i o matou hapu me o matou kaitiaki nohoanga, i roto i to matou roho porowhita—Ka mahi i tenei Kawenata i runga i te mana, motuhake, o to matou iwi me o matou hapu—Ko tana mana ano kua oti nei te whakaaui i roto i te whakakapapa o tenei Kotahitanga me tenei Kawenata.

7. Ka whakapumautia tenei Kawenata, e matou tohu, e matou, takitahi hei mea tapu, hei mea tuturu kia waiho hoki hei pou tokomanawa, mo roto i te ngakau me te hinengaro, hei whakamaharatanga hoki mo te tikanga i whakaurohia nuitia, mo runga i to ratou whakatapu, ki runga ki te hapu i to ratou mana maori.

8. Me Whakararangi ki raro nei nga tikanga o tenei Kawenata:—ara.

(a) Ko tenei kotahitanga, mo Ngati Maniapoto ake me ona hapu maha.

(e) "Te Ngati Maniapoto i runga i te taumata o Te Kingitanga Maori.

(i) "Te Ngati Maniapoto i runga i te Kawanatanga me ona Ture.

(o) "Te Ngati Maniapoto i runga i te taumata o Te Whiti me ona whakahaere, Ko nga taumata tenei o tenei iwi o Ngati Maniapoto—Kotahi tenei iwi, pakaru ake e toru nga taumata o nga whakahaere me nga whakaaui. Koia i kore ai e kotahi nga tikanga, nga whakahaere, me te reo, i roto i tenei wa, me tenei Kawenata Ka kua e matou, kia huihui kia whakatapu matou ki runga i to matou Maoritanga, hei kaupapa mo to matou kotahitanga—me noho i runga i te Aroha, i to Ture me to Whakapono. Ko to iwi hei Whare. Koia tenei kupu te Nehenehe Nui.

9. Ka whakapukina e matou ensi kupu hei kupu tuturu, hei mea pumau, pono hoki.

"Ko tenei Kawenata hei pou whakamaharatanga mo to matou Kotahitanga—na reira ka tino whakaaui i roto i tenei, enei kupu.

Kia kotahi te whakaaui, te reo, nga whakahaere, me nga tikanga timata atu i tenei ra ahau ake."

Paieraha tenei Kotahitanga, ki te Mana o te iwi, i runga i to Maoritanga Motuhake.

Ko te Mana te ake hei whawhau ki a u ai enei kupu me enei whakapumautanga, Ra-na ki tenei kupu tawhito, Ruru-waikaton.

Te Iwi—Aukahaia te waka. Hanga to whare me te pa. Honoa nga whakaaui kia kotahi. Kia kotahi ki te hapu tenei Kotahitanga. Kia kotahi ki te rapu, ki te titiro, ki te whakahaere i nga tikanga o whiwhi ai ki te pai, ki te rawe, me to runatanga, te reo e puta mai i roto i nga whakahaere a nga taumata nunui o te motu.

Tirohia te kupu Rawiri. "Ano te pai, ano te ahuareka o te nohoanga tahitanga o nga teina me nga tuakana i runga i te whakaaui kotahi.

Na te kotahi i puta ai nga tupuna, nga matua, me te iwi, i nga tuatea nunui o roto i o ratou wa. Waihoki ma te kotahi o tenei whakatipuranga e puta i nga rorerore o nga ture, me nga whakahaere a Kewha.

10. Ko nga mahi me tenei Kotahitanga, hei nga mahi e tapu ai te iwi i runga i te pai, i te tika me te rangimarie, me te tumanako ki nga mahi e piki haere ai te mohiotanga. ki nga tikanga e tapu rangatira ai te tangata, nga wahine, me nga tamuriki, me te whiwhi ki te whai rawatanga.

11. Me whakaaui nui tenei Kotahitanga, ki te awhina i nga Kura Maori, o roto i te Takiwa. Me hapu, me whakatikatika i nga ture mo te iwi Maori.

12. Hei whare mo te Kotahitanga, o tenei iwi o Ngati Maniapoto. Ka meingatia i roto i tenei Kawenata, kia noho nga rangatira, ka whakaaui i raro nei hei ropu kaumatua, hei pupuru hei hapu hoki i to mana o te iwi.

Kua oti i te iwi me nga rangatira kia noho a Te Wherowhero Tawhino i roto i tana ropu kaumatua. Ko ia he tama na Tawhino, he mokopuna na Potatau Te Wherowhero. Kua tino noho ia ki tenei o ona iwi, kia Ngati Maniapoto.

I puta mai hoki ia i roto i nga pu-Tupuna katoa, o Ngati Maniapoto, na reira he mea tika kia noho tahi ia i roto i to ropu kaumatua rangatira hoki o tenei iwi.

Ko ia tenei tana ropu.

Te Wherowhero Tawhino
Te Rangitūhaka Takerei
Teonui Hikaka
Paku Wera
Te Aroa Haereiti
Tarahuia Nahona
Kaahu Huarere
Tu-Mokemoke
Hari Matetoto
Haupokia te Pakaru
Tupotahi Tukorehu
Hotutana Wetini
Hona Wahanui
Pohe Rainuha

(Ko nga mea e tuhi ki tenei Kawenata, nga mea e tuturu o enei Kaumatua.)

Hei apiti ki to ratou ake mana rangatiratanga, ka ubia atu hoki to mana o te iwi. Ka whakamotuhaketia atu kia ratu te mana, mo te reo o te iwi, timata atu i tenei wa ahau ake.

13. Ma tana ropu kaumatua, e karanga nga huihuinga mo te iwi, ma ratou e whakaaui, o whakatuturu nga kupu, me nga tikanga e pa ana kia Ngati Maniapoto, ko nga whakatuturutanga a tana Ropu Kaumatua, i nga putake katoa o pa ana ki te iwi, ka waiho hei tino kupu, hei Ture hoki i roto i tenei Kotahitanga.

14. Kua te iwi e takahi i nga kupu whakaaui, whakatuturu ranei a tana ropu kaumatua mo nga tikanga katoa o pa ana ki te iwi e whiriwhiria ana i roto i nga hui.

15. I runga i te whakahaerenga o nga mana, me nga tikanga katoa i roto i tenei Kotahitanga, me te Kawenata hoki, me whai tonu i te nuinga o te iwi e kite ai he mea tika, tae noa ki nga whakaaui, me nga whakatuturutanga a to Ropu Kaumatua kua whakaaui i roto i tenei, me para ano. Me tango te pooti o te iwi, me runga i nga taku katoa e whiriwhiria ana.

16. Ma te iwi e whakaaui he riwhi mo nga kaumatua e ngaro ana i runga i te mata.

17. Me tuhi katoa tana Ropu Kaumatua i o ratou ingoa, tohu ranei, ki tenei Kawenata, hei tohu mo to ratou whakaaui ki ona tikanga. Ko nga mea e tuhi o ratou, nga mea e tuturu ki tana nohoanga.

18. He mea nui rawa, he tika hoki kia puritua e tenei kotahitanga, nga tikanga tuturu a te iwi Maori, kia mau tonu hoki te mahi me te whakahaere, i nga tikanga papai a to maori, me te reo tuturu kei ngaro, me whakahaere ano hoki to mohiotanga ki ana tikanga maori, ki nga uri i muri ake.

Me whakahaere nga tikanga maori, i runga i to tupato, me te mahara nui, ki a tupu te pai i roto i te iwi.

19. Me whakaaui he Pou-Kohatu, hei whakamaharatanga, mo tenei kotahitanga.

Me tuhi katoa nga tangata o Ngati Maniapoto, tane, wahine, tamuriki, ki tenei kawenata.

Ko nga mea o Ngati Maniapoto e tuhi ki tenei Kawenata, ka huaina ratou ko Te Nehenehe nui, i roto i tenei Maoritanga me te kotahitanga.

20. Na, ka mahia ka whakapumautia e matou tenei Kawenata, mo tenei whakatipuranga ahau ake ki nga uri whakatuturu a whakaaui hoki o matou ingoa, me a matou tohu ki raro nei, hei whakaaui mo te pono, me te tika, o a matou whakaaui me te tino whakaaui ki nga tikanga katoa kua oti nei te tuhi ki tenei Kawenata.

He mea tuhi i raro i te mana, e te iwi o Ngati Maniapoto, i tenei, te tahi o nga ra o Hanuere, tau tahi mano iwa rau ma wha.

INGOA.	HAPU.	KAINGA.